

ՈԱԶՄԱՎԱՐԱԿԱՆ ԳՈՐԾԸՆԿԵՐՈՒԹՅՈՒՆ

ԳԻՈՐԳԻ ԳԱԽԱՐԻԱ. «ԻՆՁ ՀԱՄԱՐ ՇԱՏ ԱՎԵԼԻ ԿԱՐԵՎՈՐ ԵՆ ՄԵՐ ՔԱՂԱՔԱՑԻՆԵՐԸ, ՔԱՆ ԿՈՆԳՐԵՍԱԿԱՆՆԵՐԸ»

Հուլիսի 30-ին, Վրաստանի վարչապետ Գիորգի Գախարիան եղավ տարերային աղետից տուժած Ռաճայի մունիցիպալիտետի գյուղերում: Ծանոթանալով իրավիճակին՝ նա համապատասխան հանձնարարականներ տվեց պետական գերատեսչություններին՝ կարգադրելով կարծ ժամանակահատվածում վերականգնել բնակավայրերի նորմալ կենսաձեւը: Ռաճայում գտնվելու ընթացքում Վրաստանի կառավարության ղեկավարը, պատասխանելով լրագրողների հարցերին, անդրադարձավ ԱՄՆ ներկայացուցիչների պալատի մի շարք անդամների կողմից ԱՄՆ պետքարտուղարին ուղղված նամակին, որտեղ կոնգրեսականները քննադատական մոտեցում են ցուցաբերել Վրաստանի կառավարության գործունեության նկատմամբ:

Վարչապետի խոսքով, իր համար շատ ավելի կարևոր են երկրի քաղաքացիները, քան կոնգրեսականները եւ, որ առավել նշանակալից է այն, որ Վրաստանի եւ ԱՄՆ-ի միջև ռազմավարական համագործակցությանը ոչինչ չի սպառնում: - Ամերիկյան քաղաքական սպեկտրը ներկա

դրությամբ տարբերվում է: Օրինակ, օրերս ամերիկյան կոնգրեսականների մի խմբից ստացա նամակ, որտեղ օրենսդիրները ողջունում են Վրաստանում ժողովրդավարության զարգացումը: Մի քանի օր առաջ հեռախոսազրույց ունեցա ԱՄՆ (Շարունակությունը՝ 2-րդ էջում)

ԸՆԴՊԾՎԵՅ ՈԱԶՄԱՎԱՐԱԿԱՆ ՀԱՄԱԳՈՐԾԱԿՈՒԹՅԱՆ ԿԱՐԵՎՈՐՈՒԹՅՈՒՆԸ ԻՆՉԻ ՄԱՍԻՆ ԶՐՈՒՑԵՑԻՆ ՎՐԱՍՏԱՆԻ ՎԱԶԱՊԵՏԸ ԵՎ ԱՄՆ ՊԵՏՔԱՐՏՈՒՂԱՐԸ

Հուլիսի 27-ին, Վրաստանի վարչապետ Գիորգի Գախարիայի եւ ԱՄՆ պետքարտուղար Մայք Պոմպեոյի միջև, տեղի է ունեցել հեռախոսազրույց, որի ընթացքում կողմերը քննարկել են ռազմավարական գործընկերության հիմնահարցեր:



ժընկերության խարտիայի լիազուժար նիստի հարցին: Նիստի հետաձգման պատճառը «Կովիդ-19»-ն էր: Կողմերը հույս հայտնեցին, որ լիազուժար նիստը կկատարվի (Շարունակությունը՝ 2-րդ էջում)

Վրաստանի վարչապետի մամուլ ծառայության տեղեկատվությամբ՝ Վրաստանի վարչապետ Գիորգի Գախարիայի եւ Միացյալ Նահանգների պետքարտուղար Մայք Պոմպեոյի միջև հեռախոսազրույցը կապված էր Վաշինգտոնում հետաձգված Վրաստան-ԱՄՆ ռազմավարական գործընկերության հիմնահարցեր:

ԳՈՐԾԱԴԻՐ

ՎՐԱՍՏԱՆԻ ԿԱՌԱՎԱՐՈՒԹՅՈՒՆԸ ՍԿՍՈՒՄ Է ՀԱՄԱՎԱՐԱԿԻ ԿԱՌԱՎԱՐՄԱՆ ԵՎ ԴՐԱ ԱԶԴԵՅՈՒԹՅԱՆ ԼԱՅՆԱԾԱՎԱԼ ՈՒՍՈՒՄԱՍԻՐՈՒԹՅՈՒՆԸ

Հուլիսի 31-ին, Վրաստանի վարչապետ Գիորգի Գախարիայի նախագահությամբ, անցկացվեց կառավարության հերթական նիստը:

Նիստում վարչապետը հայտարարեց, որ Վրաստանի կառավարությունը, միջազգային գործընկերների օգնությամբ, սկսում է կորոնավիրուսի համավարակի կառավարման եւ դրա ազդեցության մասին լայնածավալ ուսումնասիրությունը: Վարչապետի խոսքով, անկախ ուսումնասիրու-

թյան շրջանակներում պարզաբանվելու է, թե համավարակային ճգնաժամը, ինչ ազդեցություն է գործել սոցիալական ոլորտի, մարդկանց իրավունքների եւ արդարադատության ընթացքի վրա, ինչպես նաեւ՝ համավարակի պայմաններում պետությանը (Շարունակությունը՝ 2-րդ էջում)

ՀԱՆԴԻՊՈՒՄ

ՄԱՍՆԱԳԻՏԱԿԱՆ ԵՎ ԲԱՐՉՐԱԳՈՒՅՆ ԿՐԹՈՒԹՅԱՆ ՄԱՏՉԵԼԻՈՒԹՅԱՆ ՀԱՐՅՈՎ ԵՐԿԽՈՍՈՒԹՅՈՒՆ ԱԶԳԱՅԻՆ ՓՈՔՐԱՄԱՍՆՈՒԹՅՈՒՆՆԵՐԻ ՆԵՐԿԱՅԱՅՈՒՅԻՉՆԵՐԻ ՀԵՏ



Հուլիսի 29-ին, Վրաստանի հաշտեցման եւ քաղաքացիական իրավահավասարության հարցերով պետնախարարի աշխատակազմի կազմակերպմամբ, անցկացվեց մասնագիտական եւ բարձրագույն կրթության մատչելիության աջակցության թեմայով երկխոսություն ազգային փոքրամասնությունների ներկայացուցիչների հետ:

Միջոցառմանը ազգային փոքրամասնությունների ներկայացուցիչներին ներկայացվեցին մասնագիտական եւ բարձրագույն կրթության մատչելիության վերաբերյալ

տեղեկատվական քարոզարշավի արդյունքները եւ անցկացվեց մասնակից երիտասարդների պարզեւատրման արարողություն: (Շարունակությունը՝ 2-րդ էջում)

ՀԱՅԱՍՏԱՆ

ՆԻԿՈԼ ՓԱՇԻՆՅԱՆ. «ԿՈՐՈՆԱՎԻՐՈՒՄԻ ՀԱՄԱՃԱՐԱԿԱՅԻՆ ԻՐԱՎԻՃԱԿԸ ԷՆԿԱՆՈՐԵՆ ԲԱՐԵԼԱՎԿԵԼ Է»

Հուլիսի 29-ին, Հայաստանի վարչապետ Նիկոլ Փաշինյանը, լրագրողների հետ հանդիպմանը, հայտարարեց, որ Հայաստանում նոր տիպի կորոնավիրուսի համաճարակային իրավիճակը էականորեն բարելավվել է:



- Վերջին չորս-հինգ օրերի տվյալներով՝ կարող ենք ասել, որ, կորոնավիրուսի ամենօրյա նոր դեպքերի թվով մենք վերադարձել ենք մայիսի վերջի մակարդակին, ծանր հիվանդների թվով, վերադարձել ենք մայիսի վերջի մակարդակին եւ ծայրահեղ ծանր հիվանդների թվով՝ հունիսի սկզբի մակարդակին: Իհարկե, այս համեմատությունը հարաբերական է, որովհետեւ, ցա-

վոր, ծանր եւ ծայրահեղ ծանր հիվանդների վիճակագրությունը նվազել է ոչ միայն բուժումների, այլ նաեւ մահվան դեպքերի պատճառով: Այսօրվա դրությամբ՝ Հայաստանում 723 մահ է գրանցվել կորոնավիրուսից,- ասաց Փաշինյանը:

ՀՈԿՏԵՄԲԵՐԻ 31-ԻՆ՝ ԽՈՐՀՐԴԱՐԱՆԱԿԱՆ ԸՆՏՐՈՒԹՅՈՒՆՆԵՐ

ՄԱՍՆԱԿՑՈՒԹՅԱՆ ՀԱՅՏ Է ՆԵՐԿԱՅԱՑՐԵԼ 68 ԵՎ ԱՐԴԵՆ ԳՐԱՆՑՎԵԼ Է 33 ԿՈՒՍԱԿՑՈՒԹՅՈՒՆ

Ինչպես արդեն հաղորդել ենք, Վրաստանի Կենտրոնական ընտրական հանձնաժողովը արդեն սկսել է՝ հոկտեմբերի 31-ին անցկացվելիք խորհրդարանական ընտրություններին մասնակցության կուսակցական հայտերի գրանցումը:

Այսօրվա դրությամբ, ԿԸՀ-ին գրանցման հայտ է ներկայացրել 68 կուսակցություն, որից 33-ն արդեն գրանցվել է: ԿԸՀ-ն 11 կուսակցությունների մեծել են գրանցումը:

նավորապես, ընտրությունների արդյունքներով բաշխվելու են 30 մեծամասնական եւ 120 համամասնական պատգամավորական մանդատներ: Համամասնական ընտրակարգով նվազագույնի է հասցվել նաեւ ընտրաշեմը, թեպետ այն ընտրադաշինքների կազմավորման դեպքում ավելացվում է՝ ընտրադաշինքում միավորված կուսակցությունների թվից ելնելով: Մինչ այժմ այն կուսակցությունները, որոնք վերջին ընտրություններում չէին կարողացել ստանալ 15 հազար ձայն, ստիպված կլինեն ԿԸՀ-ին ներկայացնել 5 հազար կողմնակիցների ստորագրությունը: Մնացածը գրանցվում են ավտոմատ կերպով:

Ընտրական սուբյեկտների վերջնական ցուցակը հայտնի կդառնա քվեարկության օրվանից 30 օր առաջ:

Հիշեցնենք, որ հոկտեմբերի 31-ի խորհրդարանական ընտրությունները անց են կացվելու խորհրդարանի կողմից հաստատված նոր ընտրակարգով: Մաս-

ՀԱՐՑՈՒՄ

ՎՐԱՍՏԱՆԻ ԲՆԱԿՉՈՒԹՅԱՆ ՃՆՇՈՂ ՄԵԾԱՄԱՍՆՈՒԹՅՈՒՆԸ ՎՍՏԱՀՈՒՄ Է ԿԱՌԱՎԱՐՈՒԹՅԱՆԸ

Ամերիկայի Միացյալ Նահանգների «Ազգային ժողովրդավարական ինստիտուտը» (NDI) ընթացիկ տարվա հունիսի 26-30-ը անցկարեց հասարակական կարծիքի հերթական հարցումը:

Ուսումնասիրության արդյունքները ցույց տվեցին, որ երկրի բնակչության համար եվրատլանտյան եւ եվրոպական ինտեգրման գործընթացը շարունակում է մնալ առաջնահերթային: Ուսումնասիրության շրջանակներում՝ հարցեր առաջադրվեցին նաեւ կորոնավիրուսի համավարակի պայմաններում բնակչության դիրքորոշման մասին:

(Շարունակությունը՝ 3-րդ էջում)

ՈՒՋՄԱԿԱՐԱԿԱՆ ԳՈՐԾԸՆԿԵՐՈՒԹՅՈՒՆ

ԳԻՈՐԳԻ ԳԱՆԱՐԻԱ «ԻՆՁ ԶԱՄԱՐ ՇԱՏ ԱՎԵԼԻ ԿԱՐԵՎՈՐ ԵՆ ՄԵՐ ՔԱՂԱՔԱՑԻՆԵՐԸ, ՔԱՆ ԿՈՆԳՐԵՍԱԿԱՆՆԵՐԸ»

(Սկիզբը՝ 1-ին էջում)


պետքարտուղարի հետ, որը ծայրաստիճան դրական էր եւ ապագային կողմնորոշված շեշտադրումներ ունէր, թէ մեր ռազմավարական գործընկերությունը որքան նշանակալից է ինչպէս Վրաստանի, այնպէս էլ՝ ԱՄՆ-ի համար: Խոսքը ոչ միայն այսօրվա իրավիճակի, այլեւ ռազմավարական գործընկերության հետագա խորացման մասին է՝ տարբեր ոլորտներում, ինչպիսիք են անվտանգությունը, մարդու իրավունքները, ժողովրդավարության հետագա զարգացումը, բիզնեսը եւ էկոնոմիկան: Սա է իրականությունը, եւ այս իրականությունը մենք բոլորս առավել հստակ կտեսնենք նրանից հետո, երբ երկիրը արժանապատկոյն եւ ժողովր-

դավարական ընտրություններ կանցկացնի: Մյուս կողմից գոյություն ունի սուբյեկտիվ իրականություն, որը շահարկվում է առանձին խմբավորումների կողմից եւ ուղղված են երկրի դէմ: Նրանք վնասում են ոչ թէ «Երազանքին» կամ կառավարությանը, այլ՝ ողջ երկիրը,- հայտարարեց վարչապետը՝ հավելելով, որ Վրաստանի եւ ԱՄՆ-ի միջեւ գործընկերությանը սպառնալիք չստեղծել, քանզի երկրի առանձին տարածքներ դեռեւս բռնազավթված են եւ, ռազմավարական գործընկերության աջակցությունից բացի, բռնազավթման խաղաղ կարգավորման այլ ուղի գոյություն չունի:

- Մեր բոլորի, ոչ միայն կուսակցության եւ կառավարության, այլեւ ողջ երկրի համար նշանակալից է, որ Վրաս-



տանի եւ ԱՄՆ-ի միջեւ գործընկերությանը սպառնալիք չստեղծվի,- հայտարարեց վարչապետը:



ԵՎՐԱՄԻՈՒԹՅՈՒՆ ՍԱՐՄԱՆՆԵՐԸ ԶՆԱՐԱՎՈՐ Է ԿՐԿԻՆ ՓԱԿԿԵՆ

Կորոնավիրուսով վարակման նոր դեպքերի ավելացման կապակցությամբ՝ Եվրամիությունը հնարավոր է վերականգնի օտարերկրյա քաղաքացիների ուղեւորությունները եւ սահմաններն առնվազն երկու շաբաթով փակի:

Եվրամիությունը մտադիր է արգելել անդամ երկրներ մուտք գործելու հնարավորությունը Կանադայի, Ճապոնիայի եւ Գերմանիայի Կորեայի քաղաքացիների համար: Այդ երկրներն այն 13 պետությունների թվում էին, որոնց քաղաքացիների մուտքը Եվրամիության երկրներ թույլ էր տրվել: Նշենք, որ Եվրամիության կողմից նշակված «Սպիտակ ցուցակում» ներառված են Վրաստանը, Ալժիրը, Ավստրալիան, Մարոկկոն, Նոր Զելանդիան, Ռուանդան, Թայլանդը, Թուրքիան եւ Ուրուգվայը:

ԳՐԱՆՑՎԵԼ Է ՏՆՏԵՍԱԿԱՆ ՌԵԿՈՐԴԱՅԻՆ ԱՆԿՈՒՄ

Եվրամիության (ԵՄ) համախառն ներքին արդյունքը (ՀՆԱ), երկրորդ եռամսյակում, 2019 թվականի նույն ժամանակամիջոցի համեմատությամբ, նվազել է 14,4 տոկոսով:

Եվրոպայի Եվրոստատստ վիճակագրական գործակալության տվյալների համաձայն՝ այդ նվազումը դարձել է ամենալուրջը՝ 1995 թվականին դիտարկումներն սկսվելուց ի վեր:

ԱՄՆ

ՊԱՏՎԱՍՏԱՆՅՈՒԹԸ ԳՏԵՎՈՒՄ Է ՓՈՐՁԱՐԿԱՆ ՓՈՒՆԴՍ

ԱՄՆ նախագահ Դոնալդ Թրամփի հայտարարությամբ՝ կորոնավիրուսի դեմ պատվաստանյութը կսկսեն թողարկել մինչեւ տարեվերջ: Պատվաստանյութը թողարկելու է «Մոդեռն» դեղագործական ընկերությունը, որը կառավարությունից լրացուցիչ ստացել է 47 միլիոն դոլար:

Ներկայումս ընթացքի մեջ է մարդկանց վրա պատվաստանյութի փորձարկումը: Այն իրականացվում է ընդլայնված մասշտաբներով եւ այսօրվա դրությամբ, ծրագրին մասնակցում է ավելի քան 30 հազար կամավոր:

ՊԱՏՄԱՍԻՋՈՑՆԵՐ՝ ԻՐԱՆԻ ՆԿԱՏՄԱՄԲ

ԱՄՆ-ը նոր պատժամիջոցներ է սահմանում Իրանի նկատմամբ՝ սահմանափակելով այն մետաղների ու նյութերի մատակարարումները, որոնք կարող են օգտագործվել Իսլամական Զանրապետության միջուկային, հրթիռային եւ ռազմական ծրագրերի համար, որոնք, Միացյալ Նահանգների պետքարտուղար Մայք Դոմայեյի գնահատմամբ, «լուրջ սպառնալիք են ներկայացնում միջազգային խաղաղության ու անվտանգության համար»:

ԻՐԱՆ

ՊԱՏՄԱՍԻՋՈՑՆԵՐԻ ԿԻՐԱՐԿՈՒՄԸ ԶԱՆՑԱԳՈՐԾՈՒԹՅՈՒՆ Է

Իրանի ղեկավար եւ հոգեւոր առաջնորդ Ալի Խամենեյին ԱՄՆ-ի պատժամիջոցները որակել է հանցագործություն Իսլամական Զանրապետության դեմ: Այդ մասին նա հայտարարեց Իդե կուրբան (Կուրբան բայրամ) զոհաբերության կրոնական տոնին, մեկնաբանելով հուլիսի 31-ին Վաշինգտոնի կողմից իրանական միջուկային, հրթիռային եւ ռազմական ծրագրերի նկատմամբ սահմանափակիչ միջոցների ընդլայնման փաստը:

ԸՆԴՊԾՎԵՑ ՈՒՋՄԱԿԱՐԱԿԱՆ ՀԱՄԱԳՈՐԾԱԿՈՒԹՅԱՆ ԿԱՐԵՎՈՐՈՒԹՅՈՒՆԸ

(Սկիզբը՝ 1-ին էջում)

յանա մինչեւ տարեվերջ: Զեռախոսազույցին կողմերը քննարկեցին գլոբալ համավարակի ընդհանուր մարտահրավերները եւ երկու երկրների միջեւ ռազմավարական

գործընկերության զարգացման դիմամիկան: Պետքարտուղարը բարձր է գնահատել համավարակի դեմ պայքարի գործում Վրաստանի կառավարության ձեռնարկած արդյունավետ քայլերը: Անդրադառնալով հոկտեմ-

բերին անցկացվելիք խորհրդարանական ընտրություններին՝ ԱՄՆ պետքարտուղարը հույս հայտնեց, որ Վրաստանի իշխանությունները հնարավոր ամեն ինչ կանեն, որ դրանք անցկացվեն ժողովրդավարական սկզբունքներին հա-

մապատասխան, թափանցիկ, մրցունակ մթնոլորտում: Գիորգի Գախարիան իր կողմից հայտարարեց, որ ժողովրդավարական սկզբունքներով ընտրությունների անցկացումը կառավարության զիջավոր առաջնահերթությունն է:

ՅՈՒՆԵՍԿՕ-ԻՆ ԱՆՑԿԱՑՎԵԼԻՔ ԸՆՏՐՈՒԹՅՈՒՆՆԵՐԻ ՆԿԱՏՄԱՄԲ ՈՒՇԱԴՐՈՒԹՅՈՒՆԸ ՄԵԾ Է



Ինչպես հայտարարեց Վրաստանում Ամերիկայի Միացյալ Նահանգների դեսպան Քելլի Դեզմանը, Վրաստանի նկատմամբ ԱՄՆ-ի ուշադրությունը նշանակալից է, այն ուղղված է հոկտեմբերին անցկացվելիք ընտրություններին:

զի երկիրն ընդգծի իր հավատարմությունը ժողովրդավարության նկատմամբ: - Շատ դրական է եւ օգտակար, երբ պետությունների ղեկավարները գրուցում են իրար հետ: Մենք սերտորեն համագործակցում ենք տարբեր ուղղություններով եւ հետեւաբար տարբեր ալիքներով, ինչի շնորհիվ Վրաստանի նկատմամբ հետաքրքրությունը եւ ուշադրությունը մեծ է՝ առանձնա-

պես հոկտեմբերին անցկացվելիք ընտրությունների նկատմամբ: Դա Վրաստանի համար հիանալի հնարավորություն է եւս մեկ անգամ ապացուցել իր հավատարմությունը ժողովրդավարական գործընթացների նկատմամբ եւ անցկացնել այնպիսի ընտրություններ, որտեղ չեն լինի ընտրողների նկատմամբ սպառնալիքներ, կեղծումներ, հայտարարեց Քելլի Դեզմանը:

ԳՈՐԾԱԴԻՐ

ՎՐԱՍՏԱՆԻ ԿԱՌԱՎԱՐՈՒԹՅՈՒՆ ԿՍՍՈՒՄ Է ՀԱՄԱՎԱՐԱԿԻ ԿԱՌԱՎԱՐՄԱՆ ԵՎ ԴՐԱ ԱԶԴԵՑՈՒԹՅԱՆ ԱՅՆԱԾԱՎԱԿ ՌԻՍԻՄԱՍԻՐՈՒԹՅՈՒՆԸ

(Սկիզբը՝ 1-ին էջում)

տական ինստիտուտների գործունեության արդյունավետությանը: Գնահատվելու է նաեւ կառավարության գործունեությունն արտակարգ իրավիճակի եւ համավարակի կառավարման գործընթացում, ինչպես նաեւ, ճգնաժամի կրկնության դեպքում, պետական ինստիտուտների առավել լավ նախապատրաստման հնարավորությունները, ուսումնասիրության

ընթացքում մշակվելու են նաեւ հանձնարարականներ: Վարչապետի խոսքով, այդ ընթացքում իրականացվելու է համավարակի պայմաններում ճգնաժամերի կառավարման իրավական համակարգի եւ մարդու իրավունքների պաշտպանության համակարգի գնահատումը: Այն անցկացնելու են ՄԱԿ-ի ութ գործակալություններ եւ Ամերիկայի Միացյալ Նահանգների միջազգային զարգացման գործակալությունը (USAID):

ՀԱՆԴԻՊՈՒՄ

ՄԱՍՆԱԳԻՏԱԿԱՆ ԵՎ ԲԱՐՉՐԱԳՈՒՅՆ ԿՐԹՈՒԹՅԱՆ ՄԱՏՉԵԼԻՈՒԹՅԱՆ ՀԱՐՑՈՎ ԵՐԿԻՏՈՒԹՅՈՒՆ ԱԶԳԱՅԻՆ ՓՈՔՐԱՄԱՆՈՒԹՅՈՒՆՆԵՐԻ ՆԵՐԿԱՅԱՌՈՒՅԻՆՆԵՐԻ ՇԵՏ

(Սկիզբը՝ 1-ին էջում)

երկխոսությանը մասնակցեց Վրաստանի հաշտեցման եւ քաղաքացիական իրավահավասարության հարցերով պետնախարարի պաշտոնակատար Լիա Գիգաուրին: Նրա խոսքով, տեղեկատվական քարտեզարկի շրջանակներում, երիտասարդներն ազգային փոքրամասնություններով հոծաբնակ երկրամասերում հյուրընկալվեցին, որտեղ տեղացիներին մանրամասն տեղեկատվություն ներկայացրին պետական հանրակրթական ծրագրերի վերաբերյալ: Ինչպես նշեց Լիա Գիգաուրին, կրթության մատչելիության հարցով անցկացված քարտեզարկի արդյունքում, նշանակալիորեն ավելացավ այն երիտասարդների թիվը, ովքեր հայտնեցին կրթություն ստանալու ցանկություն: Պետնախարարի պաշտոնակատարի հայտարարությամբ՝ ազգային փոքրամասնությունների ներկայացուցիչներ-

ի համար մասնագիտական եւ բարձրագույն կրթության աջակցության ծրագրերը առաջիկայում էլ կշարունակվի: - Այսօր հանրագումարեցինք ծրագրերը, որը պետնախարարի աշխատակազմը, ԱՄՆ-ի միջազգային զարգացման գործակալությունը եւ ազգամիջյան հարաբերությունների կենտրոնը համատեղ իրականացրեցին ազգային փոքրամասնությունների, երիտասարդների խրախուսման նպատակով ինչպես մասնագիտական, այնպես էլ՝ բարձրագույն կրթության ստացման ուղղությամբ: Դա բացառիկ նախագիծ է, որի նպատակը ազգային փոքրամասնություններով հոծաբնակ երկրամասերում մարդու երիտասարդներին՝ ինչպես մասնագիտական, այնպես էլ բարձրագույն կրթության ստացման վերաբերյալ, տեղեկատվության հանձնումն է: Նրանք վիթխարի գործ կատարեցին գյուղերում, հանդիպումներ ունեցան ծնողների, երիտասարդների,

երեխաների, ինչպես նաեւ՝ հասարակայնության ներկայացուցիչների հետ, ովքեր կարող էին ազդեցություն գործել այդ գյուղերում երիտասարդների որոշումների վրա: Նախագիծը սկսել ենք 2018 թվականին: Նախագիծն ընդգրկեց առաջին տարում նախագիծն ընդգրկեց ավելի քան 3 հազար երիտասարդի: Երկրորդ տարվա ընթացքում, կորոնավիրուսի համավարակի պատճառով, ընդգրկվեց ընդամենը 2000 երիտասարդ, թեպետ արդյունքն իրականում զարմանալի է, գրեթե 1,6 անգամ ավելացել է այն երիտասարդների թիվը, ովքեր ցանկություն են հայտնել՝ ընդունվել մասնագիտական ուսումնարաններ: Նախորդ տարիների համեմատությամբ՝ կրկնապատկվել է այն երիտասարդների թիվը, ովքեր գրանցվել են «1+4» ծրագրում,- հայտարարեց Լիա Գիգաուրին:

ՄԻՄՈՆ ԿԻԼԱԶԵ

Շաբաթից շաբաթ. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՀԱՐՑՈՒՄ

ՎՐԱՍՏԱՆԻ ԲՆԱԿՉՈՒԹՅԱՆ ԸՆՇՈՂ ՄԵԾԱՄԱՍՆՈՒԹՅՈՒՆԸ ՎԱՏԱՀՈՒՄ Ե ԿԱՌԱՎԱՐՈՒԹՅԱՆԸ

(Սկիզբը՝ 1-ին էջում)

ՄԵԾԱՄԱՍՆՈՒԹՅԱՆ ԿԱՐԾԻՔՈՎ, ԼՈՒԳԱՐԻ ԼԱԲՈՐԱՏՈՐԻԱՆ ՄԵԾ ՆՇԱՆԱԿՈՒԹՅՈՒՆ ՈՒՆԻ

«Ազգային ժողովրդավարական ինստիտուտի» (NDI) հարցին, թե որքան կարելու կամ անցնան է Լուգարի լաբորատորիան Վրաստանում կորոնավիրուսի դեմ պայքարում, հարցման ենթարկվածների 73 տոկոսը կարծում է, որ շատ կարելու է, 25 տոկոսն ասում է, որ կարելու է, հարցվածների երկու տոկոսը չգիտի հարցի պատասխանը:

Միևնույն ժամանակ, հարցվածների 66 տոկոսը գտնում է, որ Լուգարի լաբորատորիան խոչընդոտում է Վրաստանում կորոնավիրուսի տարածմանը, չորս տոկոսն ասում է, որ լաբորատորիան նպաստում է վարակի տարածմանը, հարցվածների ութ տոկոսը համաձայն չէ որևէ կարծիքի, 17 տոկոսը չգիտի հարցի պատասխանը:

Ավելացնենք, որ հարցված քաղաքացիների 53 տոկոսը համաձայն է այն կարծիքի հետ, որ կորոնավիրուսով վարակվելուց իրենց հավատքն է պաշտպանել: Բնակչության 38 տոկոսը համաձայն չէ այս կարծիքի հետ:

NDI-ի հետազոտության համաձայն՝ հարցված քաղաքացիների 30 տոկոսը գտնում է, որ կորոնավիրուսը ստեղծվել է լաբորատորիայում եւ նպատակաւոր-

ված է տարածվել, իսկ 22 տոկոսը գտնում է, որ վիրուսը ստեղծվել է լաբորատորիայում, սակայն տարածվել է պատահաբար:

Բնակչության միայն 13 տոկոսն է կարծում, որ կորոնավիրուսը բնական ճանապարհով է ի հայտ եկել:

76 ՏՈԿՈՍԸ ԵՎՐԱՍԻՈՒԹՅԱՆ, ԻՍԿ 69 ՏՈԿՈՍԸ՝ ՆԱՏՕ-Ի ԱՆԴԱՄԱԿՑՈՒԹՅԱՆ ԿՈՂՄԱԿԻՑ

ԱՄՆ «Ազգային ժողովրդավարական ինստիտուտի» (NDI) 2020 թվականի հունիսին անցկացված հանրության տրամադրություններն ուսումնասիրող հարցման արդյունքներով, չնայած վերջին ժամանակներին երկրում եվրոպական եւ եվրատլանտյան կապերի դեմ ուղղված ապատեղեկատվության քարոզարշավներին, Վրաստանի բնակչությունը շարունակում է կայուն կերպով աջակցել Եվրամիությանը (76 տոկոս) եւ ՆԱՏՕ-ին (69 տոկոս) անդամագրվելուն: Միաժամանակ, ԵՄ անդամագրվելն անընդունելի է բնակչության 8 տոկոսի, ՆԱՏՕ-ին անդամագրվելը՝ 11 տոկոսի համար:

Չեռագոտության արդյունքներով, հարցվածների 59 տոկոսը գտնում է, որ Վրաստանն ավելի շատ կշահի եվրոպական եւ եվրատլանտյան ինտեգրմամբ, իսկ 11 տոկոսի կածիքով՝ Վրաստանն ավելի շատ օգուտ կունենա Ռուսաստանի հետ ավելի լավ հարաբերություններ ձե-

ավորելու եւ եվրոպական ու եվրատլանտյան ինտեգրացիայից հրաժարվելու դեպքում:

ՀԱՄԱՎԱՐԱԿԻ ՊԱՅՄԱՆՆԵՐՈՒՄ ԲՆԱԿՉՈՒԹՅԱՆ 85 ՏՈԿՈՍԸ ՎԱՏԱՀՈՒՄ Ե ԵՐԿՐԻ ԻՇԽԱՆՈՒԹՅՈՒՆՆԵՐԻՆ

Ինչպես արդեն նշեցինք, ԱՄՆ «Ազգային ժողովրդավարական ինստիտուտը» (NDI) իր ավանդական ուսումնասիրության հարցաթերթիկում ներառել էր նաեւ կորոնավիրուսի համավարակի հետ կապված հարցեր: Մասնավորապես, հետազոտությունում, տեղեկատվական աղբյուրների վստահելիության տեսանկյունից, բնակչության 90 տոկոսը վստահում է հիվանդությունների վերահսկման ազգային կենտրոնին, 85 տոկոսը՝ Վրաստանի իշխանություններին, 73 տոկոսը՝ լրագրողներին/լրատվամիջոցներին, 66 տոկոսը վստահում է տեղական իշխանություններին, իսկ 61 տոկոսը հավատում է կրոնական առաջնորդներին/եկեղեցուն:

Դրա հետ մեկտեղ, հարցմանը ենթարկվածների 73 տոկոսը գտնում է, որ Վրաստանում կորոնավիրուսի համեմատաբար ցածր տարածումը կառավարության եւ բժիշկների ճիշտ քայլերի արդյունքն է:

Չեռագոտության համաձայն, բնակչության 80 տոկոսը կրկին անհանգստացած է, որ իրենք կամ իրենց հարազատները կվարակվեն կորոնավիրուսով:

ԱՐԵՎԻԿԱ ՄԱՆՈՒԿՅԱՆ

ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ


ՕԳՈՍՏՈՍԻ 3-ԻՅ 26-Ը՝ RS CAR-ԻՆ ՀԱՐԿԱՏՈՒՆԵՐԻՆ ԿՄՊԱՍԱՐԿԻ 33 ՎԱՅՐԵՐՈՒՄ

Օգոստոսի 3-26-ը, Վրաստանի ֆինանսների նախարարության եկամուտների ծառայության շարժական սերվիս-կենտրոնը RS CAR-ը հարկատուներին սպասարկումներ կմատուցի երկրի տարածքով 33 վայրերում, այն երկրամասերում, որտեղ տեղակայված չեն եկամուտների ծառայության սերվիս-կենտրոնները:

RS CAR միկրոավտոբուսը հագեցած է եկամուտների ծառայության սերվիս-կենտրոններում առկա տեխնիկական միջոցներին համապատասխան: Հարկատուները կարող են իրենց հարմար ժամանակահատվածում, առանց բնակավայրից դուրս գալու, ժամանակին ստանալ ցանկալի սպասարկում:

Եկամուտների ծառայության RS CAR շարժական սերվիս-կենտրոնը օգոստոսի 11-ին կգործի Ասպին-ձայում, Թամար թագուհու փողոցում, «TBC բանկի» հարակից տարածքում, օգոստոսի 12-ին՝ Նինոսմին-դայում, Պուշկինի փողոցում, վարչության շենքի հարակից տարածքում, օգոստոսի 19-ին՝ Թեթրիժղարում, Թամար թագուհու թիվ 34-ում, վարչության հարակից տարածքում:

Նշենք, որ բոլոր վերոնշյալ վայրերում շարժական RS CAR սերվիս-կենտրոնները կգործեն ժամը 10:00-17:00-ը:



ՄԱՔՍԱՆԵՆԳ ԾԽԱՆՈՏԻ ՏԵՂՓՈՒՄԱՆ ՓԱՍՏԵՐ ԵՆ ԲԱՑԱՐԱՅՏԿԵԼ



Հուլիսի 27-28-ին, Վրաստանի ֆինանսների նախարարության եկամուտների ծառայության հարկային մոնիտորինգի դեպարտամենտի մոնիտորինգային վարչության արեւմտյան բաժնի աշխատակիցների կողմից, Ջուզոգիի քաղաքում, 24-ժամյա աշխատակարգով անցկացված մոնիտորինգի արդյունքում, հայտ-

նաբերվել է առանց ակցիզի ծխախոտեղենի (790 տուփ) տեղափոխման երկու փաստ:

Վրաստանի հարկային օրենսգրքի 192-րդ հոդվածի 5-րդ մասի համաձայն՝ իրավախախտում թույլ տրված անձանց ապրանքը բռնագրավվել է: Առաջին դեպքում իրավախախտող անձի նկատմամբ հարուցվել է քրեական գործ, ձեւակերպվել է վարչական իրավախախտման արձանագրությունը, եւ՝ այն առաքվել համապատաս-

խան մարմիններին: Երկրորդ դեպքում, Վրաստանի քրեական օրենսգրքով նախատեսված իրավախախտման նշանների առկայության պայմաններում, հարկային օրենսգրքի 271-րդ հոդվածի եւ 7-րդ մասի համաձայն, գործի նյութերը առաքվում են Վրաստանի ֆինանսների նախարարության հետաքննչական ծառայություն:

ՏՐԿԵՑ ՀԱՎԱՍՏԱԳԻՐ ՏԵՂՈՒՄ ԱՏԱՆԱԼՈՒ ՀՆԱՐԱՎՈՐՈՒԹՅՈՒՆ

Վրաստանի ֆինանսների նախարարության եկամուտների ծառայության մաքսային դեպարտամենտի աջակցությամբ՝ վրացական արտադրանքի արտահանման աջակցության նպատակով, Գուրջաանիում տեղի գործարարներին տրվեց, առանց երկրամասից դուրս գալու, «Մեկ պատուհանի սկզբունքով» արագ եւ դյուրությամբ մաքսային բոլոր ընթացակարգերից օգտվելու հնարավորություն: Իսկ արտադրական հավաստագիրը նրանք կկարողանան ստանալ առանց լրացուցիչ փաստաթղթեր ներկայացնելու:



Միաժամանակ, արտահանմանը կողմնորոշված ընկերությունների ներկայացուցիչները ունեն մաքսային ընթացակարգերի եւ ձեւակերպումների, մաքսային հեռավար էլեկտրոնային սպասարկումների, ապրանքային կողերի հաստատման հավաստագրերի թույլտվություն եւ մաքսային հարկերի վերաբերյալ տեղեկատվություն:

Վել է 497 հարկային հայտագիր եւ տրվել է 440 հավաստագիր: Հիշեցնենք, որ Եվրամիության հետ խոր եւ ընդլայնված ազատ առեւտրական տարածքի (D CFTA) մասին պայմանագրի համաձայն՝ Վրաստանից արտահանված ավելի քան 9 հազար անվան ապրանքի համար, մաքսահարկը վերացվել է: Որպեսզի այդ ապրանքը ազատվի մաքսահարկից, այն պետք է հաստատվի հատուկ հավաստագրով՝ EUR-1-ով:

ՆԵԿԱՅԱՑՎԵՑԻՆ ՀԱՎԵԼՅԱԼ ԱՐԺԵՔԻ ՀԱՐԿԻ ԲԱՐԵՓՈՒՄՈՒՄՆԵՐԸ

Վրաստանի ֆինանսների նախարարության եկամուտների ծառայության ներկայացուցիչները, հավելյալ արժեքի հարկի (ՀԱՀ) նոր բարեփոխման վերաբերյալ, առեւտրական արդյունաբերական պալատի ներկայացուցիչների հետ անցկացրին աշխատանքային հանդիպում:

ՀԱՀ-ի Եվրամիության հանձնարարականներին մերժեցնելու նպատակով՝ հարկային օրենսդրությունում փոփոխություններն իրականացվեցին կառավարության եւ բիզնեսհատվածի սերտ համագործակցության արդյունքում: Միջազգային լավագույն պրակտիկայի վրա հիմնված ՀԱՀ-ի բարեփոխումը բարելավեց ներդրումային միջավայրը, նպաստեց Վրաստանի եւ Եվրամիությունում գործող ձեռներեցների հետ համագործակցությանը, դյուրացրեց հարկային պարտավորությունների կատարումը, նաեւ նվազեցրեց վիճելի դեպքերի թիվը: ՀԱՀ-ի բարեփոխման կապակցությամբ անցկացված հանդիպմանը՝ Վրաստանի ֆինանսների նախարարության եկամուտների ծառայության պե-

տի տեղակալ Մամուկա Բարաթաշվիլին ներկայացրեց ՀԱՀ-ի նոր բարեփոխման վերաբերյալ շնորհանդեսը եւ պատասխանեց ընկերությունների ներկայացուցիչների կողմից առաջադրված հարցերին: Հանդիպմանը ներկա էր նաեւ հարկային եւ մաքսային մեթոդաբանության դեպարտամենտի պետի տեղակալ Լեւան Բահինդուրաշվիլին: Հարկային օրենսգրքում մշակված փոփոխությունների հանրային քննարկման արդյունքում փաստաթուղթը Վրաստանի խորհրդարանի կողմից հաստատվեց ընթացիկ տարվա հունիսի 14-ին:



Վերոնշյալ փոփոխությունների մասին մանրամասն տեղեկատվություն տրված է <https://matsne.gov.ge/ka/document/view/4911996?publication=0> կայքէջում:

COVID - 19.

ԿՈՐՈՆԱՎԻՐՈՒՄ. ԻՐԱՎԻՃԱԿԻ ԼԱՐՎԱԾՈՒԹՅՈՒՆԸ ՊԱՅՊԱՆՎՈՒՄ Է

Աշխարհում կորոնավիրուսի վարակի COVID-19-ի հաստատված դեպքերի թիվն անցել է 17 482 միլիոնը: Կորոնավիրուսի հետազոտական կենտրոնների տվյալների համաձայն՝ մահացածների թիվը գերազանցել է 676 835 հազարը: Ապաքինվել է ավելի քան 10 միլիոն 942 հազարից ավելի մարդ:

Վիրուսով վարակվածների թվով առաջին տեղում գտնվող ԱՄՆ-ում 4 634 985 հաստատված դեպք կա: Այս տեղ մահացածների թիվը 155 285 է: Այս ցուցանիշով ԱՄՆ-ն առաջինն է աշխարհում: Երկրորդ տեղում Բրազիլիան է, որտեղ հաստատված դեպքերի թիվը հասել է 2 613 789-ի, մահացածներինը՝ 91 377-ի:

Վարակվածների թվով հաջորդ տեղում Հնդկաստանն է, որտեղ վարակվել է 1 643 416 մարդ, մահացել՝ 35 807-ը: Ռուսաստանում կորոնավիրուսով վարակվել է 834 499, վարակի հետեւանքով մահացել՝ 13 802 մարդ:

Հայաստանում, ընդհանուր առմամբ, վարակվածների թիվը հասնում է 38 550-ի, մահացածներինը՝ 738-ի, ապաքինվածներինը՝ 28 997-ի:

Ադրբեջանում վարակվածների թիվը կազմում է 31 560 մարդ: Վարակից մահացել է 441, ապաքինվել՝ 25 168 մարդ: Հունիսի 31-ի տվյալներով՝ Վրաստանում վարակվել է 1168 մարդ, մահացել է 17-ը, ապաքինվել՝ 940-ը:



Վրաստանում վարակվել է 1168 մարդ, մահացել է 17-ը, ապաքինվել՝ 940-ը:

ԿՈՐՈՆԱՎԻՐՈՒՄԻ ՀԱՄԱՎԱՐԱԿԸ ՍԱՍԿԱՆՈՒՄ Է



Առողջապահության համաշխարհային կազմակերպության (ԱՀԿ) գլխավոր տնօրեն Թեդրոս Ադանոմ Գեբրեյեսուսի հայտարարությամբ՝ կորոնավիրուսի հարուցած հիվանդության համավարակն աշխարհում սաստկանում է. վերջին վեց շաբաթում հիվանդացածների թիվը գործնականում կրկնապատկվել է՝ մոտենալով 16 միլիոնին, մահացածներ-

րի թիվը գերազանցել է 640 հազարը:

ԱՀԿ-ի ղեկավարը հայտարարեց, որ Առողջապահության համաշխարհային կազմակերպությունը ընթացիկ շաբաթում կգումարի արտակարգ իրավիճակների կոմիտեի նիստ՝ կորոնավիրուսի համավարակի գնահատման համար: ԱՀԿ-ի ղեկավարի խոսքով՝ COVID-19 հիվանդության համավարակը «փոխեց աշխարհը»: Այն միաժամանակ միավորեց մարդկանց եւ հասարակությունները եւ բաժանեց նրանց ցույց տալով, որ «մարդիկ ունակ են արձագանքելու ինչպես դրական, այնպես էլ բացասական»:

«Մենք շատ բան սովորեցինք եւ տակավին շատ բան ենք սովորում», - արձանագրել է Թեդրոս Ադանոմ Գեբրեյեսուսը: Նա հիշեցրել է, որ, «թեեւ աշխարհը փոխվել է», կորոնավիրուսի դեմ պայքարի համար նախկինի պես անհրաժեշտ են այնպիսի հանգուցային գործոններ, ինչպիսիք են «բաղաբաղաբար առաջատարությունը, ինչպես նաեւ՝ համայնքների իրագրվումն ու մասնակցությունը (հա-

մավարկի դեմ պայքարին) եւ նրանց լսելու ունակությունը»: ԱՀԿ-ի ղեկավարը նշել է, որ ներկայիս համավարակը ամենալուրջն է այն գլոբալ արտակարգ իրավիճակներից, որոնք երբեք հայտարարել է ԱՀԿ-ն: Այն երկրների թվում, որոնց հաջողվել է խուսափել հիվանդության խոշոր բռնկումից կամ այն վերահսկողության տակ վերցնել ձեռնարկված միջոցների շնորհիվ, նա նշել է՝ Ավստրալիան, Վիետնամը, Գերմանիան, Կամբոջան, Կանադան եւ Չինաստանը: Նա հիշեցրել է, որ վարակի տարածման դեմ պայքարի հանգուցային միջոցներ են մնում վարակման դեպքերի հայտնաբերումը, հիվանդացածների եւ նրանց հետ շփվածների մեկուսացումը, թեստավորումը եւ բուժումը:

- Պահպանեք սոցիալական հեռավորությունը, լվացեք ձեռքերը, խուսափեք մարդկանց կուտակումների վայրերից եւ փակ շենքերից, կրեք դիմակ, որտեղ դա հանձնարարված է,- հավելել է ԱՀԿ-ի գլխավոր տնօրենը:

ԱՄԻՐԱՆ ԳԱՄՂԵԼԻՉԷ. «ԽՈՒՃԱՊԻ ՀԻՄՔԵՐ ԶԿԱՆ, ԹԵՊԵՏ ՀԱՐԿ Ե ՌԻՇԱԴՐՈՒԹՅԱՄԲ ՇԵՏԵՎԵԼ ՀԱՄԱՎԱՐԱԿԱԲԱՆԱԿԱՆ ԻՐԱՎԻՃԱԿԻՆ»

ՀԱՍՈՋՎԱԾ ԵՄ, ՈՐ ՎՐԱՍՏԱՆԸ ԿԼԻՆԻ ԱՅՆ ԵՐԿՐՆԵՐԻ ԹՎՈՒՄ, ՈՎ ԱՌԱՋԻՆՆԵՐԻՑ ՄԵԿԸ ԿՍՏԱՆԱ ՊԱՏՎԱՍՏԱՆՅՈՒԹ

Ինչպես հայտարարեց Վրաստանի Հիվանդությունների վերահսկման եւ հասարակական առողջապահության ազգային կենտրոնի ղեկավար Ամիրան Գամդրելիձե, խուճապի հիմքեր չկան, թեպետ հարկ է ուշադրությամբ հետեւել Վրաստանում համավարակաբանական իրավիճակին:

Նրա խոսքով, իրավիճակը լիովին վերահսկվում է: Ամիրան Գամդրելիձեի հավաստմամբ, բարձր շարժունակության պատճառով, շուկաների վրա անհրաժեշտ է դարձնել ավելի մեծ ուշադրություն:

- Ինչպես գիտեք, շուկաներում մեծ է շարժունակությունը, ամենամեծ թվով մարդիկ են տեղաշարժվում այնտեղ: Հետեւաբար, անհրաժեշտ է ավելի մեծ ուշադրություն դարձնել տոնավաճառներին: Բոլոր շուկաներում խստացված է ջերմասրի-նիցը, ինչպես նաեւ՝ պահպանվում է սոցիալական հեռավորությունը: Ինչպես գիտեք, այս պահին ինտենսիվ թեստավորում է իրականացվում Լիլոյի տոնավաճառում, սակայն այս կարգի թեստավորումներ անց ենք կացնելու նաեւ այլ շուկաներում: Ցանկանում են ընդգծել, որ տոնավաճառները, վարակի տարածման տեսանկյունից, բարձր ռիսկային են», - հայտարարեց Ամիրան Գամդրելիձեն հավելելով, որ սննդի եւ հագուստի, ինչպես նաեւ՝ ազրարային շուկաներում ծրագրվում է թեստավորումների իրականացում:



Նշենք, որ բոլոր շուկաներում, Առողջապահության նախարարության խորհրդատվությունների հիման վրա, աշխատանքային հատուկ կարգ է սահմանվել: Առևտրականները պետք է ապահովված լինեն դիմակներով, ձեռնոցներով, աշխատանքի անցնելուց առաջ պարտադիր ջերմաչափում անցնեն: Կարեւորություն է տրվում նաեւ սոցիալական հեռավորության պահպանմանը՝ ինչպես վաճառականների, այնպես էլ գնորդների կողմից:

Նախորդ շաբաթվա ընթացքում մայրաքաղաքում ստուգվել են գրեթե բոլոր գործող շուկաները՝ Լիլոյի, Էլիավայի, Նավթլուրիի, Դիդուբեի, Գլոբալի, Վարկեթիլիի, Դիդուբեի: Բոլոր ձեռնարկներին բացատրվել է աշխատանքի մոր կարգը:

Շուկաներում խիստ ստուգումների կարիք առաջացավ, երբ Լիլոյի շուկայում կորոնավիրուսի աղբյուր հայտնաբերվեց: Ներկայումս առևտրականներն ակտիվ բուժզննում են անցնում, տարածքն ախտահանվում է:

Անդրադառնալով կորոնավիրուսի դեմ պատվաստանյութի մշակման թեմային Ամիրան Գամդրելիձեն հայտարարեց, որ Վրաստանը մի շարք երկրների հետ բանակցություններ է վարում այն մասին, որ կորոնավիրուսի դեմ պատվաստանյութի հաստատումից հետո, այն կփոխանցվի Վրաստանին:

ՄԻՍՆ ԿԻԱՋԵ

ՆԱԽԱՋԵՆՈՒԹՅՈՒՆ

«ՖԻՆԿԱ» ԲԱՆԿ. ՖԻՆԱՆՍԱԿԱՆ ՈՒԺԵՂ ՑՈՒՑԱՆԻՇՆԵՐ ԵՎ ՄԻՋԱԶԳԱՅԻՆ ԳՈՐԾԸՆԿԵՐՆԵՐ՝ Ի ՊԱՏԱՍԽԱՆ ՆՈՐ ՄԱՐՏԱՀՐԱՎԵՐՆԵՐԻ

2019 թվականը «Ֆինկա» բանկի համար նոր նախաձեռնությունների եւ հնարավորությունների տարի էր: COVID-19-ի կապակցությամբ մարտահրավերների ժամանակին եւ անարգելք հաղթահարումը պայմանավորեցին հենց նախորդ տարվա ֆինանսական ուժեղ ցուցանիշները, բանկի մենեջմենթի հստակ մոտեցումը եւ ճգնաժամի արդյունավետ հաղթահարման հնարավորությունը. բանկն արագ հարմարվեց գործարքային նոր իրականությանն ու միջավայրին. մասնաճյուղերը, ինչպես նաեւ կենտրոնականը ապահովվեցին անհրաժեշտ բոլոր ռեսուրսներով, որպեսզի, Վրաստանի կառավարության եւ Առողջապահության համաշխարհային կազմակերպության բոլոր հանձնարարականների պահպանմամբ, անշեղորեն ընթանա բիզնես-գործընթացը:

Այն փաստը, որ «Ֆինկա» բանկի սպառողների մեծամասնությունը, երկրում առկա իրավիճակի պայմաններում, կարողացավ հաղթահարել ֆինանսական պարտավորությունները, անմիջականորեն բանկային պատասխանատու վարկավորման քաղաքականության արդյունքն է: Նրանց, ում գործունեության վրա COVID-19-ն անմիջական ազդեցություն ունեցավ, բանկն առաջարկեց անհատական որոշում՝ ելնելով այն վնասի չափից, որ վիրուսը հասցրեց այդ բիզնեսին ու եկամուտներին: «Ֆինկա» բանկն օգտագործեց իր արհեստավարժ գիտելիքներն ու միջազգային փորձը, որպեսզի ընթացիկ ճգնաժամը նվազ վնաս հասցնի ոչ միայն սպառողներին, այլեւ ողջ ոլորտին:

Ֆինանսական դրական ցուցանիշների եւ 2020 թվականի առաջին եռամսյակի բիզնեսի զարգացման միտումների պայմաններում, արդեն ապրիլ ամսին, բանկը ֆինանսական այնպիսի գործընկերների աջակցու-

թյուն ստացավ, ինչպիսիք են BlueOrchard-ը (4 միլիոն լարի) եւ Symbiotic-ը (15 միլիոն լարի): Միջազգային ֆինանսական գործընկերները պատրաստակամություն հայտնեցին աջակցություն ցուցաբերել, որպեսզի անընդմեջ իրականացնենք մեր հաճախորդներին մատուցվող ծառայությունները եւ առանձնապես այն մարդկանց, ում բիզնեսն առանձնակի տուժեց COVID-19-ից:

Ճգնաժամի ընթացքում ֆինանսական գործընկերների աջակցությունն առավել նշանակալից է. բան երբեք, հետեւաբար «Ֆինկա» բանկը շարունակում է նրանց աջակցությունը՝ ինչպես խորհրդատվություններով, այնպես էլ նրանց կցված ապրանքներով եւ սպասարկումներով, որոնք կողմնորոշված են բանկի բաղադրիչների կարիքներին:

Ուժեղ եւ կայուն ֆինանսական ցուցանիշներով «Ֆին-



կա» բանկը շարունակում է ֆինանսական պարտավորությունների կատարումը ավանդատերերի, բաժնետերերի եւ միջազգային ֆինանսական կազմակերպությունների առջև: Ելնելով բանկի 2020 թվականի ռազմավարությունից՝ բոլոր գլխավոր նախաձեռնությունները կզարգանան երկու ուղղություններով՝ Վրաստանի շուկայում կոնկրետ դիրքերի ամրապնդում եւ թվայնացման գործընթացների բարձր որակով կատարում: